

22

D. D.
DISSERTATIO ACADEMICA
CONTINENS
**THEORIA M
ARTIS
BALLISTICÆ,**
QUAM
CONSENSU AMPLISS. FACULT. PHILOSOPH.
IN REGIA ACADEMIA ABOËNSI
PRÆSIDE
VIRO MAXIME REVERENDO atque CELEBERRIMO
**DN. DOCT. JACOBO
GADOLIN,**
SCIENT. NAT. PROFESSORE REG. & ORD.
ACAD. SCIENT. HOLM. MEMBRO
& FACULT. PHIL. h. t. DEC.
PUBLICO EXAMINI SUBJICIT
FRIDERICUS PRYSS,
DIE XVI. JUNII ANN. MDCCCLIX.
L. H. Q. A. M. C.

ABOÆ, Impressit DIRECT. & TYPOGR. Reg. Magn. Duc.
Finland. JACOB MERCKELL.

S:Æ R:Æ M:TIS
SUMMÆ FIDEI VIRO,
Illustrissimo & Celsissimo
COMITI ac HEROI,

D_N. CAROLO
GUSTAVO
TESSIN,

Regis Regnique Svio-Gothici SENATORI,
Cancellariæ Regiæ PRÆSIDI,
Supremo Aulæ MARESCHALLO,
Regiæ Cellitudinis, *PRINCIPIS* Successoris,
GUBERNATORI,
Regiæ Academiæ Aboënsis CANCELLARIO,
Ordinum Regiorum EQUITI,
COMMENDATORI & CANCELLARIO,
Atque Ordinis Aquilæ Nigræ EQUITI,

MÆCENATI GRATIOSISSIMO.

Quo properas mea Musa? Cupis concendere Divum
Atria celsa nimis, nec temeranda tibi?
Nonne vides stolidos, quos sic suscepis ausus?
Vel num te lateat fors Phaethontis atrox?
Perge tamen: gelidi non est tibi caufa timoris,
Hoc HEROË nihil mitius orbis habet.
CUI Charites vultum, numerosos Svada lepores,
Et dedit ingenium vertice Nata Jovis.

QUI

QUI sibi subtrahet Patriæ quoque devovet horas,
Auspiciis CUS SVETHIA tutæ viget:
QUI foveat atque patrocinio sic promovet artes,
Ut merito Vatum Cynthius esse queat.
Rettulit HIC nostris modo Fennis aurea secla,
Et teneri affectus pignora mille dedit.
Utque Patris Patruique dies nunc fataque priscis
Mitius incedant hoc SUA cura facit.
Hinc TIBI, MAGNE HEROS, nostrarum destina
rerum,
Musa cliens offert hoc pietatis opus.
Primitias nostras vultu dignare sereno,
Sic penitus fugiet, qui tenet ima, pavor.
Sicque novas reddet Musæ nova gratia vires,
Queis celebret laudes parva Thalia TUAS.
Gramina quot tellus, pelagus quot possidet undas,
Quot rutilas stellas grandis Olympus habet:
Tot quoque, CELSE COMES, maneant TE pro-
spera fata,
Tot numeret lætos sancta senecta dies.

ILLUSTRISSIMÆ EXCELLENTIÆ TUÆ

devotissimus cliens
FRIDERICUS PRYSS.

RECTORI MAGNIFICO,
**D_{N.} SAMUEL I
PRYSS,**

S. S. Theol. DOCTORI & PROFESSORI PRIMARIO,
nec non
Dioceſeos Aboënsis ARCHI-PRÆPOSITO,
PARENTI OPTIMO, INDULGENTIſſIMO.

Dum TUA, Care Parens, gratus benefacta recordor,
Detrectat solitos nostra Camena modos.
Ingenii vires moles immensa retundit:
Ipſe pium numerus me negat eſſe fatis.
Ergo DEUM precibus devotis pronus adoro,
Quod mihi tam facilem reddidit ipſe Patrem.
Debeo namque TIBI vitalis luminis uſum,
Et post ſupremum munera quæque DEUM.
A TE ſum doctus penſis confuſcere Phœbi,
TU pariter vitæ dux, cynofura meæ.

Non

Non refugis curas, non parcis sumtibus amplis;
Scandere quo Pindi culmina læta queam.
Et subdis stimulos, nimium cohibusque calorem,
Ducere nec juvenem devia prava finis.
Paucis: TU mitis rarissima Patris imago,
Cui bonitate parem vix feret ulla dies.
Suscipias igitur facilis, quod porrigo scriptum,
Hoc precor obsequii pignus habeto mei.
Ultra nil valeo, sed & hoc sine pondere munus;
At pondus pietas, votaque juncta dabunt.
Vive diu felix, voto & felicior omni,
Usque TIBI Parcæ stamina læta neant!
Vive decus Pindi, nostræ spes magna salutis,
Noster amor nobis vive valeque diu!

PARENTIS INDULGENTISSIMI

obedientissimus filius,
FRIDERICUS PRYSS

AUCTORI.

Gloria PRYSSIADUM ! Reverendi dulce Parenso
Delicium ! Patrii stella futura poli !
Almi Spes Pindi ! Studiose Gemma corona !
A teneris clarii gratia multa chori !
Res est sancta fides toto rarissima mundo ;
Vulgus amicitiae nomen inane crepat.
Non latet in quavis excellens unio concha :
Nec rectos animos peccora quaque gerunt.
Te tamen inveni derique bonique tenacem :
Nec simulare mibi , nec dare verba soles.
Te tamen inveni sincerum semper amicum :
Non latet in nitido pectore mica doli.
Dum Te docta vehit virtus ad culmen honoris ,
Non decet in tacito gaudia ferre sinu :
Postulat offici ratio pia plectra movere ;
Sed lyra fracta negat dulce sonare melos.
Pristina siccavit macilentus flumina morbus ;
Parcius & pigrius jam mibi vena fluit.
Singula dum rigido quatuntur frigore membra ,
Non bene procedit festa ciere metra .
Sed tamen invito Phœbo tentasse juvabit ,
Num sciat appositos rauca Thalia modos .
Sunt ea , qua scribis , solidissima , care Sodalis ;
Temporis ast genio vix placitura tui .
Nunc Cererem , Floram , Faunam , celeremque Dianam ,
Pana DEum pecoris , Triptolemumque colunt .
Tu Juga Sacra petens cur tam bona Numinis ?
Est ea simplicior commodiorque via .

Quid

Quid sibi seva volunt sevi spectacula ludi?
Quid ballista crepat? Quid catapulta fremit?
Dura metalla boant, saltusque nemusque remugit:
Multiplicant tremulos antra cavata sonos.
Atra favilla tonat, vibrant mortaria fulmen:
Tecta fragore micant, valla tremore cadunt.
Fallor? An innocuis infers fera bella Camœnus?
Nil tibi peccavit tam pia turba, reor.
Si tamen ulla premat Sapientes culpa Sorores,
Hec erit una, puto, cuique favere proco.
Est vitium sexus pulchris commune puellis,
Quod tamen apta Patrum cura cavere solet.
Num cui tum fas est crassos convellere muros,
Cum solis votis porta cupita patet?
Num cui tum fas est bombisque globisque tonare,
Cum, qui valla tenent, sponte venire jubent.
Sed, qua cruda sibi ventosæ turba juventæ
Quereret ferta solet, Te pudet ire via.
Perfringas, patior, clivosi mania Pindi,
Si Tua Te virtus tam sinat esse gravem;
Interea caveas, ne forte, foramine facto,
In loca Sacra ruat rusticæ turba simul.
Sic germinata feres victricis premia frontis:
Cum laurus querqus ferta decora dabit.
Tot Tibi certa precor divini signa favoris,
Quot guttas oculus rore cadente videt!
Tot tua ferta ferant felicis gaudia mentis,
Quot decorant rutilum sidera clara polum!

Gratulabundus cecinit tuus ex alle
LAUR. OL. LEFRE'N.

AUCTORI.

Sol fere dimidium nuper confecerat orbem,
Et texere altum nubila nulla polum.
Ipsa levis zephyri spiravit molliter aura,
Nec nimio tellus tosta calore fuit.
Omnia ridebant. Campus, nemus omne nitebat,
Ludebantque simul Chloris & alma Ceres.
Garrula cantabat brevibus Philomela sub umbris,
Et casus solito dulcius orsa queri.
Pan Satyris mistus silvis saltabat amanis,
Formabant varios Nereidesque gyros.
Depositis rastris curvi cecinere coloni,
Libantes dulci pocula plena mero.
Celsa Dii pariter linquentes atria caeli
Parnassi nitidum tunc petiere jugum.
Argutis autem salibus dum mille jocantur,
Et variis fallunt tempora grata modis;
Mons nimium quatitur, tellus tremefacta remugit,
Atque gravi sonitu rura propinqua boant.
Hinc catapulta trabes, illinc ballista molares,
Et tormenta globos fauibus usque vomunt.
Fumosis nebulis aimus glomeratur Olympus,
Atque Deum bombus diffilit ante pedes.
Juppiter interea meditans nova fulmina secum,
Ad trepidos Divos talia verba dedit:
Fallor an hic alter moveat fera bella Typhæus,
Congestusque polum montibus ipse petat.
Num præstet, dubito, cœlestia templa reverti,
Mentitis formis vel juvet ire Deos.
Hoc omen Pallas levem & indignata timorem;
Laetitiam, dixit, murmura saepe verbunt.

Mercu-

Mercurium subito ventorum mittit ad antra,
Eolus ut nubes dissipet axe graves.
Ergo ruunt venti, pulsantque volumina fumi,
Atque brevi rursus facta serena dies.
Agnoscunt vanum jam Numina taeta tremorem,
Et volucres glandes vertice prona vident.
En Juvenis, sic Pallas ait, qui dirigit ictus,
Ut feriat positum Machina rite scopum.
Quique suo radio metitur in aethere fluxo,
Quas spiras volitans tramite bombus agit.
Credita vix alis felici indagine pandit,
Atque Mathematico cuncta rigore probat.
Hoc scripto, pergit, Juvenum Lectissime, constat
Ingenii nobis ignea vena TUI.
Maete pari studio, Charitum Flos, magna TUORUM
Spes, Heliconiadum portio grata chori.
En via lata patet dicens ad culmen honoris;
Hac immortalis gloria parta ILLIS.
Hac PATRIS, hac PATRIQUE ILLI vestigia cernes;
Hanc ABAVIS, praestans hanc quoque trivit AVIS.
Ergo velut soleas, age, lumina tanta sequaris,
Parque eris his tandem moribus, ingenio.
Perge simul nitidis scriptis clarescere mundo;
Sic TE promeritus sponte sequetur bonos.
Interea TIBI, PRYSS, vix sufficit una corona;
Mars igitur quernam, Lauream at ipsa dabo.
Dixerat. Adplausu testantes gaudia Musae,
Protinus unanimis hoc cecinere melos:
Dum bombus curvam projectus in æthere currit,
PRYSS erit Aonidum gloria, dulcis amor.

JOHAN BILMARK.

I. N. J.

Quemadmodum plantæ varia admodum desiderant temporum intervalla, antequam ad justam perveniant firmitatem, aliæ nimis præcoce subministrant fructus, aliæ contra post plurium annorum seriem demum maturescunt; ita quoque scientiarum quædam rapidis adeo passibus ad suum tendunt fastigium, ut siatæ simul & perfectæ videantur, aliæ autem, præsertim quæ observationibus & experimentis nituntur, lentis gradibus atque operosis moliminibus maturitatem quandam consequuntur. Fidem dictis vel solæ faciunt disciplinæ Mathematicæ. Harum enim partes quædam ita dudum sunt elaboratae, ut nihil in his jure desiderari posse videatur; non nullæ vero, in primis quæ Mathesin mixtam constituunt, a perfectionis cuimine longius absunt. Immo quis ignorat, universam rerum naturam, numero licet ac mensura determinatam, adeo inexplicabili serie connexam tamen esse, ut nodis Gordiis istis omnibus solvendis vel futura secula sufficiunt.

A

fectura

fectura haud sine temeritatis nota quisquam affirmaverit. Inter has medio fere loco est Ballistica, cui excolendæ multam industriam atque ingentes pecuniæ summas impenderunt veteres: quosdam illorum ad hoc studium salutis & conservationis cura, alios gloriæ cupiditate excitantibus. Progressum eorum in hac disciplina specimen traditurus, non colossum loquar Rhodiensem, pretio Machinarum, quas ad oppugnationem unius urbis adhibuerat DEMETRIUS POLIORCETES, commendabilem; neque MARCELLUM, invictasque Romanorum Legiones, Machinis ARCHIMEDIS spe occupandarum Syracusarum diu frustratas adducam: sat erit Catapultas memorasse atque Ballistas, stupenda certe monstra, quæ dum torres facesq; jactabant, sagittarum imbræ emittebant, atque ingentia evomebant saxa, terrem undique injiciebant, quo cunque suum tendebant cursum, horrendam semper afferentes cladem atque calamitatem. Binæ vero hasce machinas utut distinctas exhibeant Scriptores, adeo ut Ballistas ad saxa atque lapides emittendos, catapultas vero ad ligna aliaque leviora corpora projicienda, destinatas fuisse indicent; passim tamen easdem confundunt alii. Quicquid sit, Machinarum harum effectus tantos prædicant, quantis producendis ulla fore sufficietas haud facile quis comprehendet. Stupet animus profecto, dum cogitat ingentia faxa rapidissimo lata motu angulos turrium disrumpentia, profundissimos phalangum ordines sustollentia, omniaque illis objecta, fulminum instar, evertentia.
 Nec

Nec vicina tantum corpora indomitæ Ballistarum vi exposita; sed remota quoque & longius distan-
tia violenter ab ipsis fuerunt conquassata. Ut e-
nim reticeamus molares ponderis Libr. CCC. ad
distantiam pedum CXXV projectos; ATHENÆUM
Ballistas construxisse novimus, quæ licet non nisi
parum duorum pedum excederent longitudinem,
tantam tamen projectis communicarent vim, ut non
nisi absoluto D. passuum intervallo in terram decide-
rent. Plura huic similia exempla, quæ partim a
JOSEPHO, partim ab aliis antiquiorum temporum
Scriptoribus afferuntur, siccō jam præterimus
pede. Habeant vero sibi catapultas atque ballistas
suas veteres Mavortes; nec enim est ut inventa
eorum lippis amplius inspiciamus oculis. Tormen-
ta namque bellica, quæ detecto pulvere pyrio sen-
sim jam invaluerunt, nihil fere nobis relinquunt,
quod in hoc machinarum genere amplius desidere-
mus. Tenuia vero cum sint omnia humanarum re-
rum initia; mirum non est, pleraque artis Ballisti-
cæ mysteria primos scientiæ hujus cultores ita la-
tuuisse, ut effectus tormentorum bellicorum attoni-
ti potius mirari, quam in suos usus rite adhibere,
aut etiam leges motus a pulvere pyrio in globo
producti enucleare & determinare fategerint. Le-
ges enim motus tam compositi quam accelerati,
& Algebraam, commodissimam haud raro illam in re-
bus arduis cynosuram, ignorantes, haud melio-
rem habuerunt sortem, quam qui per spissas tene-
bras, caliginosa loca atque incognita rura sine pe-
rito

rito ductore vagantur, in devia quævis & horrenda
 sæpius incidentes præcipitia. Hi proinde suppo-
 fuerunt globum e tormento bellico explosum in li-
 nea recta ferri, quamdiu vis ipsi a pulvere pyro-
 impressa gravitatem corporis excederet, æquilibra-
 tis vero hisce viribus curvam quandam a globo
 describi, donec diminuta paulatim vi projectio-
 nis, in linea recta, quod reliquum viæ esset, de-
 orsum ferretur corpus. *Enimvero* sicut longo usu
 & sedula attentione veterum speciosæ hypotheses
 auctoritatem suam sensim amittunt; ita paulo post
 invenerunt Mathematici superioris subsellii, globum
 e tormento projectum integro suo motu curvam
 quandam describere. Hujus autem natura vel ideo
 difficilior explicatu videbatur, quod in atmosphærico
 spatio nulla sui relinqueret vestigia conspicua. Ex-
 perientia tamen exploratum habebant, amplitudi-
 nes jactuum esse longissimas, angulo elevationis
 tormenti 45° existente. Quod vero curva a globo
 tormentario descripta inter Parabolas sit referen-
 da, dignum erat inventum, cuius honorem sibi
 vindicat, magnum illud orbis eruditæ lumen, *Ga-*
lilæus a Galilæis, rationes simul, quas inter se ha-
 bent amplitudines jactus pro diversa tormentorum
 ad horizontem elevatione, eleganter determinans.
 Varia sequentium Mathematicorum in artem Bal-
 listicam merita commemorare, uti nimis longum,
 ita etiam parum utile esset opus; cum hæc cogni-
 tio ex scriptis clarissimorum Virorum abunde com-
 parari possit. Quod igitur præfens attinet opuscu-
 lum,

Iam, in quo theoriam qualemcumque tradere co-
nati sumus artis Ballisticæ, monuisse juvabit, nos
ubique supponere motum corporum in medio non
resistente fieri. De cetero juveniles nostras medi-
tatiunculas C. L. iterum iterumque commendam-
us; & si hæc tenuia nimis videantur, in præsen-
ti tamen æqui bonique easdem consulat. Speramus
enim maturiorem ætatem, DEO favente, ma-
turiora, ipsiusque digniora attentione fore exhi-
bituram.

PROBLEMA I. Fig. 1.

*Si corpus quoddam grave vel parallele vel obli-
que ad horizontem projiciatur, invenire curvam,
quam motu suo describit.*

Concipiamus, quod corpus propositum cadat
ex A in B, & in puncto B motus illius directio ex
verticali, quæ hactenus fuerat, in aliam secundum
BC mutetur, sed tamen absque omni velocitatis
acquisitæ jactura. Pergat igitur corpus secundum
BC motu semper uniformi; quare cum idem a
gravitate sua deorsum simul prematur, a duabus
simul viribus non conspirantibus corpus in motu
suo urgetur, & proinde eodem temporis momen-
to, quo corpus vi secundum directionem BC agen-
te translatum fuit ad rectam quamvis DH ipsi AB
parallelam, erit idem vi gravitatis depresso infra
rectam BC ad locum quandam H in recta DH sum-
tum (per princip. Mechanic.). Compleatur jam

parallelogrammum BLHD. Ulteriusque ponatur AB $= a$, Tempus, quo corpus cadit per AB $= t$, Tempus per BD $=$ tempori per DH $= T$, DH $= BL = x$, atque BD $= LH = y$. Igitur, cum corpus cadendo per AB illam acquirat velocitatem, qua eodem tempore t percurrere possit duplum ipsius AB motu æquabili (*per princ. Mech.*), atque insuper corpus secundum directionem BC motu semper æquabili feratur (*per hypothesis*); erit $2AB : BD :: t : T$. Eodem vero tempore, quo corpus motu æquabili percurrit BD, absolvit quoque motu accelerato, gravitate scilicet sua actum, rectam lineam DH. Quamobrem, cum spatia motu accelerato confecta sint inter se, ut quadrata temporum (*per princ. Mech.*); erit $AB : DH :: tt : TT$; & consequenter, extracta radice quadrata, erit $\sqrt{AB} : \sqrt{DH} :: t : T$; seu $\sqrt{a} : \sqrt{x} :: t : T$. Enimvero (per modo demonstrata) est $2a : y :: t : T$; ergo etiam $\sqrt{a} : \sqrt{x} :: 2a : y$, & proinde $2a\sqrt{x} = y\sqrt{a}$. Atque elevando ad secundam dignitatem erit $4aax = ayy$, adeoque $4ax = yy$; quæ æquatio, cum exprimat naturam Parabolæ Apollonianæ, evidens est, corpus grave dicto modo projectum describere Parabolam. Q. E. I.

COROLL. I. Quoniam parameter diametri BG parabolæ HBH $= 4a$; erit eadem parameter $= 4AB$. Quamobrem corpus cadendo per quartam parameter partem illam acquirit velocitatem, qua vel parallele vel oblique ad horizontem projicitur.

COROLL. II. Quoniam porro corpus ex B directione BG projectum, vi gravitatis suæ deorsum in

in lineis ad horizontem perpendicularibus continuo descendere cogitur; evidens est, quod linea curva BHF a linea recta BC magis magisque perpetuo recedat, adeo ut linea directionis BC non nisi in unico puncto B curvæ propositæ occurrere queat; quamobrem linea BC tangit Parabolam in punto B, unde motus incipit.

COROLL. III. Sit diametri BG parameter = p ; erit AB = $\frac{1}{4}p$, & proinde linea AE ex punto A perpendiculariter ad AB ducta erit directrix parabolæ; hoc est, omnes lineæ AB, KH, EF, ex punctis B, H & F parabolæ parallele ad AB ductæ, sunt æquales distantia punctorum B, H & F a foco parabolæ. Quid? Quod AE sit directrix non solum parabolæ BHF, verum etiam omnium parabolarum, quæ describuntur a corpore ex B secundum quamcunque directionem projecto, velocitate & vi projectionis manente illa, quam acquirit corpus cadendo per AB.

COROLL. IV. Quoniam (*per naturam Parabolæ*) AB est aequalis distantia foci a punto B, centro B radio BA describatur circulus, qui secabit Parabolæ propositæ axem in punto quodam, quod erit focus parabolæ. Ponamus porro, quod corpus secundum aliam quamcunque directionem, quam BC, velocitate cadendo per AB acquisita projiciatur, & describat Parabolam; eodem prorsus modo demonstrabitur, quod circulus centro B & radio BA descriptus fecet etiam axem hujus Parabolæ in punto, quod est focus ejusdem. Cumque hæc

hæc argumentandi ratio semper sibi constet; evidens est, quod circulus centro B radio BA descriptus sit locus focorum in omnibus parabolis, quæ describuntur a corpore secundum quamcunque directionem obliquam ex puncto B velocitate per AB acquisita projecto.

COROLL. V. Fiat denique angulus DBO æqualis ang. ABD; igitur cum recta linea BC tangat Parabolam in puncto B, recta linea BO transibit per focum Parabolæ (*per Geom. Subl.*). Et siquidem circulus AO est focus omnium Parabolæ dictæ nuper modo descriptarum; hic circulus fecabit lineam BO in punctum O, foco Parabolæ propositæ. Quamobrem si per punctum O ducatur recta linea MNOP parallela ad diametrum BG; erit MNOP axis Parabolæ, ejus vertex est in N, directrix recta AEM, atque parameter axis = 2OM = 4ON.

PROBLEMA II. Fig. 2.

Datis angulo elevationis tormenti, atque velocitate, qua corpus ex eodem explosum movetur, inventire amplitudinem jaclus, quando tormentum & scopus feriendus sunt in eodem plano horizontali.

Geometrice. Sit ang. elevationis tormenti DBE, velocitas corporis projecti æqualis illi, quam corpus acquirit cadendo per altitudinem AB, atque scopus feriendus in M; adeo ut duæ rectæ BM sit normalis ad axem Parabolæ verticalem HFE. Ducatur porro ex puncto F, foco parabolæ, recta FN paral-

parallela ad directricem AH vel rectam BM. Igitur, cum recta AB & Parabolæ axis HFE sint inter se parallelæ; erit etiam FN = BE. Ex natura autem Parabolæ est BM = 2BE; proinde erit quoque BM = 2FN. Enimvero ang. ABD est complementum anguli elevationis DBE ad rectum; & ang. ABF, eius sinus est FN, si recta BF sumatur pro Sinu Totu, est æqualis 2 ang. ABD; ergo (*per demonstr.*) est amplitudo jactus BM ad sinum anguli, qui est duplus complementi anguli elevationis, in ratione dupla.

Definitio. Complementum anguli elevationis ad rectum vocetur *Angulus declinationis tormenti*.

COROLL. I. Amplitudines jactuum corporis eadem velociitate secundum quamcunque directionem projecti, sunt inter se, sicut sinus duplorum angulorum declinationis tormenti.

COROLL. II. Quo major sit angulus elevationis DBE, quam ang. 45° , eo minor est angulus declinationis ABD, adeoque etiam eo minor est ang. ABF; consequenter incremente angulo DBE, decrescit quoque anguli ABF sinus FN, & proinde etiam amplitudo jactus minor fiet. Ponamus ang. DBM esse rectum, quo in casu linea BD coincidet cum AB, adeoque FN = 0; hoc est, corpus verticaliter projectum in eadem linea recta descendet.

COROLL. III. Ponamus angulum DBM esse 45° ; evidens est, quod punctum F in hoc casu coincidet cum punto I, in quo semicirculus AF α secat horizontalem lineam BM; & consequenter axis HGf tum tanget semicirculum in punto I, atque linea FN coincidet cum semidiametro BI. Quamobrem amplitudo jactus in hoc casu erit $2BI = 2AB$. Enimvero semidiameter seu sinus Toton est maximus omnium sinuum; ergo cum amplitudines jaetuū sint inter se sicut sinus duplorum angulorum declinationis (COR.I.), atque sinus dupli anguli 45° sit Sinus Toton, evidens est, quod ceteris paribus, amplitudo jaetus sit maxima, angulo elevationis existente 45° . Obiter tantum hic monemus, quod ad inveniendam lineam AB, per quam determinatur velocitas projectionis, nihil aliud requiratur, quam ut tormentum ad 45° elevatum explodatur, atque Geodætice determinetur amplitudo jactus BM. Hujus enim dimidium BI est $= AB$. Ex. gr. sit BM $= 9000$ ped.; erit AB $= 4500$ ped. atque velocitas projectionis tanta, ut globus quolibet M' motu æquabili absolvat 519,6. pedes.

COROLL. IV. Quod si angulus DBE fuerit minor 45° , verum quidem est, quod Parabolæ BGM majorem faciant angulum cum axe; propterea tamen non secant horizontalem lineam BM in punctis a B longius distantibus. E contrario secant horizontalem BM in punctis tanto vicinioribus punto B, quanto ang. DBC fuerit acutior. Quo enim

nim minor est angulus DBE, quam 45° , eo major fiet ang. declinationis ABD; adeoque etiam hujus duplus ABF. Consequenter cum semicirculus AF α sit locus focorum in Parabolis, punctum F in nostro casu reperietur in quodam punto quadrantis $f\alpha$, ex. gr. in f , ex quo ducta recta linea Fn est minor, quam BI, adeoque amplitudo jactus est minor, quam sub angulo 45° .

COROLL. V. Si angulus elevationis DBE fuerit major 45° , amplitudo jactus BM erit $= 2FN$; atque si ang. elevationis sit minor 45° , datur casus, quo amplitudo jactus sit $= 2Fn = 2FN$ (*per Coroll. IV.*). Inquirendum igitur nunc est, quantus sit hic minor angulus elevationis, ut amplitudo jactus sit æqualis illi, quam absolvit corpus sub dato angulo majori projectum. Sit itaque focus Parabolæ desideratæ BgM in punto f (*per Coroll. IV.*); ex iis quæ modo demonstrata sunt, patet, rectam fn illi FN parallelam, bis sumtam esse æqualem amplitudini jactus sub angulo hoc minori. Cum vero (*per hypoth.*) amplitudines utriusque jactus sint æquales; erit quoque $FN = fn$; ideoque erit per puncta F & f ducta recta Ff rectæ AB parallela; ac proinde circuli arcus Ff per rectam BM bifecabitur in punto I. Porro patet, quod sit ang. ABf duplus anguli declinationis quæsitæ. Dividatur igitur angulus ABf bifariam per rectam lineam BL; erit LBE ang. elevationis, sub quo, si projiciatur corpus, amplitudo jactus est eadem cum amplitudine

dine jactus sub angulo DBE. Enimvero cum ang. ABL = ang. LBf; erit etiam arcus AL = arc. Lf. Sed AL = AF + FL, atque Lf = LI + If = LI + FI = 2LI + FL; ergo habemus AF + FL = 2LI + FL = 2AD + FL. Consequenter est 2LI = 2AD, seu LI = AD; adeoque angulus LBE = ang. ABD. Dividatur adhuc angulus rectus ABE bifariam per rectam BK; erit ang. KBL = ang. DBK; quamobrem angulus LBE tantum deficit a semirecto, quantum ang. DBE excedit semirectum. Ergo amplitudines jactuum sunt æquales, quando alter angulus elevationis tantum exsuperat semirectum, quantum alter ab eodem deficit.

COROLL. VI. Concipiamus jam, quod corpus horizontaliter projiciatur secundum rectam BM, scopo ut ante in M constituto; erit angulus declinationis tormenti = 90° , adeoque hujus anguli duplex = 180° ; cuius sinus = 0. Consequenter amplitudo jactus horizontalis in hoc casu seu punctum, quod feriet globus explosus in horizontali BM, est nullum extra B. Hoc etiam inde patet, quod corpus secundum rectam BM projectum vi gravitatis suæ ab eadem continuo recedat; seu BM tangat parabolam describendam. Ex his tamen non sequitur, globum e tormento in B explosum statim post B quieturum; revera enim motum continuat & scopum infra BM positum ferit, nisi prope B adsit ineluctabile obstaculum.

Analy-

Analytice. Sit *velocitas*, quam pulvis pyrius in-
census globo imprimit, *æqualis* illi, quam globus ca-
dendo per altitudinem AB acquirit; pro qualibet tor-
menti in B positi inclinatione invenienda est distan-
tia BE in horizontali linea BM , ita ut linea HFE in E
perpendicularis ad BM sit axis Parabolæ, quam glo-
bus projectus motu suo describit, unde amplitudo jaetus
 BM determinabitur. Super rectam AB describatur
semicirculus ASB . Igitur cum inclinatio tormenti
data ponitur, sit hæc ang. LBE , qui proinde da-
tur; consequenter datur etiam punctum S , in quo
semicirculus ASB secat lineam BL . Sit jam $AB = a$,
 $BO = b$, (scil. per S ad AB ducta sit normalis SO ,
adeoque BO datur propter BS datam) $BE = x$; e-
rit $AO = a - b$, atque amplitudo jaetus $BM = 2x$.
Et (*per princ. Geometr.*) $AO : OS :: OS : OB$; adeo-
que $OS = \sqrt{ab - bb}$. Porro ex iis, quæ supra tra-
dita sunt, patet quod circumferentia circuli centro
 B radio AB descripti in plano verticali isto, in
quo posita est linea directionis tormenti, sit locus
focorum omnium parabolæ, quæ describi pos-
sunt a globo cum data hacce velocitate, sub quo-
unque angulo elevationis, ex punto B projecto;
& quidem specialius, quod parabola illa quæ de-
scribitur, dato angulo elevationis LBE , habeat su-
um focum in punto f , si videlicet sumptus sit ar-
cus Af duplus ipsius AL , qui est declinationis tor-
menti; atque etiam quod per f ducta ipsi BA pa-
rallela recta fg sit axis hujus parabolæ secans re-
ctam horizontalem BM seu amplitudinem quæfitam

& normaliter & bifariam in E. Itaque, ut inveniatur ratio inter incognitam quantitatem BE seu x , atque quantitates datas, ducatur per punctum rectam $f n$ normalis ad AB, quae proinde erit parallela ipsi SO; ducantur quoque radii Bf in circulo Afa & PS in circulo ASB. Constat jam *per constructionem* angulum aBf esse excessum duorum rectorum supra duplum angulum declinationis ABL; & angulum LBE esse excessum unius anguli recti supra eundem ang. declinationis ABL; itemque (*per naturam circuli*) angulum LBE, qui continetur linea circulum tangente BE atque secante BS per punctum contactus dueta, esse dimidium anguli BPS, qui est ad centrum insistens arcui reflecto BS. Hinc vero sequitur, aequales esse angulos SPB & fBa , ideoque simila esse rectangula triangula SPO & fBn . Præterea constat (*per constructionem*), radium Bf esse duplum radii PS. Haec vero lineæ, cum in singulis hisce triangulis similibus oppositæ sint angulis rectis; necesse est, ut recta $f n$ quoque sit dupla rectæ OS. Ergo & recta BE, quæ est aequalis ipsi $f n$, erit dupla rectæ OS; unde tandem habetur $x = 2\sqrt{ab - bb}$; & proinde amplitudo jactus $BM = 2BE = 4\sqrt{ab - bb} = 4OS$. Q. E. I.

COROLL. I. Distantia igitur puncti E, per quod transit axis parabolæ, a tormento in B posito est aequalis duplæ lineæ OS in circulo ASB ductæ, atque amplitudo jactus BM quadrupla ipsius OS.

COROLL. II. Ducatur recta linea AS, atque centro

centro P semicirculi ducatur semidiameter PS; erit angulus elevationis tormenti LBE = ang. BAS = $\frac{1}{2}$ ang. OPS. Enimvero si radius PS sumatur pro sinu Toto, OS est sinus ang. OPS. Quamobrem cum amplitudo jactus $BM = 4OS$ (*per Coroll. I.*); amplitudo jactus est semper æqualis quadruplo sinui dupli anguli elevationis tormenti, sinu scilicet Toto existente æuali dimidiæ altitudini, ex qua decidere debet corpus, ut acquirat velocitatem, qua projicitur. Et quoniam OB est sinus versus anguli OPS atque OB = gE; erit altitudo ad quam adscendit motu suo globus explosus æqualis Sinui verso dupli anguli elevationis. Si vero angulus inclinationis tormenti sit 45° , altitudo globi maxima erit $\frac{1}{2}AB$. Sin denique angulus inclinationis sit major 45° , altitudo ad quam globus adscendit, erit æqualis summæ ex Sinu Toto atque cosinu dupli anguli declinationis.

COROLL. III. Quoniam semidiameter PQ est maximus omnium sinuum; evidens est, quod amplitudo jactus erit maxima, quando directionis linea est BQ, posita PQ ad AB normali: sed $PQ = PB$, ergo etiam erit ang. $PQB = \text{ang. } PBQ = \text{ang. } QBE = 45^\circ$. Hoc est, ceteris paribus, amplitudo jactus est maxima, angulo elevationis tormenti existente 45° .

COROLL. IV. Denique, quoniam ab utraque semidiametri parte duci possunt bini sinus inter se æquales, ex. gr. $OS = d\delta$; erit quoque arcus Ad = arc. BS; & consequenter arcus $dQ = \text{arc. } SQ$, hoc est ar-

est, arcus dQB tantum excedit arcum 45° quantum arc. SB ab eodem deficit. Ergo amplitudines jactuum, ceteris paribus, sunt æquales, quando alter ang. elevationis tormenti tantum excedit semirectum, quantum alter elevationis angulus semirecto est minor. Sic amplitudines jactuum sunt æquales sub angulis 35° & 55° , item sub 20° & 70° , & sic porro. In praxi observamus, quod majoribus angulis utamur in projiciendis bombis, qui per tecta & tabulata ædium transibunt; minores autem adhibentur ad muros & parietes confringendos.

ILLUSTRATIO.

Sit AB = 750 pert. hoc est corpus projectum velocitate illa moveatur, quam acquirit cadendo ex altitudine 750 pert. Sitque angulus inclinatio-
nis LBE = $25^\circ 40'$; erit PB = 375 pert. & per demonstr.
ang. SPB = $51^\circ 20'$, ac proinde posito Sinu To-
to = 10000000, erit sinus ang. SPB = 7807940. Fi-
at igitur 10000000 : 7807940 :: PB (375) : OS =
292, 79 pert. Consequenter 4OS = BM = 1171, 16
pert. Sin vero angulus elevationis fuisset 45° , & PQ
= 375 pert. inventa BM = 4PQ = 1500 pert. Eo-
dem modo calculus procedit in aliis quibuscum-
que similibus casibus.

PROBLEMA III. Fig. 3.

Ponamus, quod scopus feriendus non sit in eodem
plano horizontali cum tormento, sed, ut communiter
fieri solet, vel supra vel infra horizontem tormenti
constitu-

constitutus; sive data tam altitudo apparetus hujus scopi, quam etiam inclinatio tormenti & velocitas projectionis, invenire amplitudinem iactus in recta, que per tormentum & scopum transit.

Sit ut ante AB altitudo, ex qua decidere debet globus, ut acquirat velocitatem aequalem illi, qua ex tormento projicitur, sive DBM angulus inclinationis tormenti. Centro B radio PA describatur circulus ADI, sumto arcu DF = arc. AD; erit focus parabolæ desideratae in F; cuius proinde axis est recta HFE ad BM normalis. Sint positio-
ne datae duæ rectæ, per punctum B ductæ BN,
infra vel supra horizontem protensæ, in quarum
alterutra scopus appareat. Sit quoque N punctum,
per quod in utrovis casu a trajectoria aut globo
secantur hæ lineæ BN. A puncto N superiori de-
mittatur NP normalis ad horizontalem BM; item-
que ab altero isto inferiori N, ducta sit perpendicularis NR horizontali BM productæ occurrens in R: ducanturque Nn & NV parallelæ ipsi BM. I-
gitur, cum (*ex hypoth.*) dentur scoporum altitudi-
nes apparentes seu anguli NBP & NBR; in trian-
gulis NBP & NBR ad P & R rectangulis, dantur o-
mnes anguli, consequenter proportio laterum BN
& BP, itemque BN & BR erit cognita. Sit igitur
 $BN:BP::m:n$; & $BN:BR::m:n$ (*supponimus*
scil. ad abbreviandum calculum, $m & n$ exprimere pro-
portionem inter BN, BP & BN, BR). Porro quo-
niam DBM angulus inclinationis tormenti datur, da-
tur quoque angulus declinationis ABD, & proinde
etiam sinus ejusdem DZ. Sit itaque $DZ=b$, $AB=a$,

$BN = x$. Quoniam igitur $BN:BP::m:n$; erit $BP = \frac{nx}{m}$. Similiter invenitur $BR = \frac{nx}{m}$. Ergo $NP = \sqrt{BN^2 - BP^2} = \sqrt{xx - \frac{mxx}{mm}} = \frac{x}{m} \sqrt{mm - mn}$. Atq;

$RN = \frac{x}{m} \sqrt{mm - nn}$. Ulterius est $BZ = \sqrt{AB^2 - DZ^2} = \sqrt{aa - bb}$. Sed (*per construct.*) est BE Sinus dupli anguli declinationis ABD, consequenter (*per princ. Trigonometr.*) est $BE = \frac{2BZ \times DZ}{AB} = \frac{2b\sqrt{aa - bb}}{a}$;

proinde etiam $BM = 2BE = \frac{4b\sqrt{aa - bb}}{a}$. Ergo $PM =$

$BM - BP = \frac{4b\sqrt{aa - bb}}{a} - \frac{nx}{m}$; atque $RM = BR -$

$BM = \frac{nx}{m} - \frac{4b\sqrt{aa - bb}}{a}$. Notandum autem est,

quod sit $FE = \sqrt{FB^2 - BE^2} = \sqrt{VAB^2 - BE^2} = \sqrt{\frac{aa - 4aabbb - 4b^2}{aa}} = \frac{\sqrt{a^2 - 4aabbb + 4b^2}}{a} = \frac{aa - 2bb}{a}$,

& consequenter $FH = AB - FE = a - \frac{aa - 2bb}{a} =$

$\frac{aa - aa + 2bb}{a} = \frac{2bb}{a}$. Unde elicitur axis HFE para-

meter $p = 2FH = \frac{4bb}{a}$. Enimvero (*ex natur. Parab.*)
est

est $p \times Gn = Nn^2$. Sed $Gn = GE - NP$, atque $Nn = EM - MP$; ergo $p \times GE - p \times NP = EM^2 - 2EM \times MP + MP^2$. Quamobrem cum (ex natur. Parab.) iterum sit $p \times GE = EM^2$; erit $p \times NP = MP(2EM - MP) = MP(BM - MP) = MP \times BP$. Ex quibus æquationibus post debitam valorum inventorum sub-

stitutionem obtainemus $\frac{4bb}{a} \left(\frac{x\sqrt{mm-nn}}{m} \right) = \frac{nx}{m}$
 $\left(\frac{4b\sqrt{aa-bb}}{a} - \frac{nx}{m} \right)$; atque $\frac{4bb}{a} \left(\frac{x\sqrt{mm-nn}}{m} \right) = \frac{nx}{m}$
 $\left(\frac{nx}{m} - \frac{4b\sqrt{aa-bb}}{a} \right)$. Et consequenter $\frac{nnxx}{mm} - \frac{4bnx}{am} \times$
 $\sqrt{aa-bb} = \frac{4bbx\sqrt{mm-nn}}{am}$; adeoque $\frac{nux}{mm} = \frac{4bu}{am} \times$
 $\sqrt{aa-bb} = \frac{4bb\sqrt{mm-nn}}{am}$. Ex qua tandem æqua-

tione elicitur $x = \frac{4bm}{an} \left(n\sqrt{aa-bb} \mp b\sqrt{mm-nn} \right)$.

Scilicet in æquatione inventa adhibendum est signum $-$, quotiescumque scopus appareat supra horizontem tormenti, signum autem $+$, quando scopus est infra BM. Q. E. I.

Construcción. Inter $a+b$ & $a-b$ quæratur mediae proportionalis AB (Fig. 4.); erit $AB = \sqrt{aa-bb}$. Deinde fiat $an:4bm::AB:\sqrt{aa-bb}$) ad quartam AC, erit $AC = \frac{4bm\sqrt{aa-bb}}{an}$. Similiter inter $m+n$

atque $m = n$ quæratur media proportionalis CD;
erit $CD = \sqrt{mm - nn}$. Tandem fiat sicut $ann : 4bbm :: CD(\sqrt{mm - nn})$ ad quartam CN; erit $CN = \frac{4bbm\sqrt{mm - nn}}{ann}$. Et consequenter erunt amplitudines jactuum $AN = AC = CN = \frac{4bm}{ann} (\sqrt{nua - bb} - b\sqrt{mm - nn})$.

COROLL. I. Quodsi jam scopus appareat in eodem plano horizontali cum tormento; in hoc casu evanescet angulus NBM, & consequenter FN = 0, nec non BN = BM, adeoque $m = n$, & proinde etiam $\sqrt{mm - nn} = 0$. Quamobrem æquatio inventa $x = \frac{4bm}{ann} (\sqrt{nua - bb} - b\sqrt{mm - nn})$ mutabitur in sequentem $x = \frac{4bnn\sqrt{aa - bb}}{ann} = \frac{4b\sqrt{aa - bb}}{a}$ = BM = 2BE, hoc est in nostro casu amplitudo jactus æqualis Sinui anguli, qui est duplus anguli declinationis tormenti, sumta AB pro sinu toto; prorsus ut in antecedentibus invenimus.

COROLL. II. Sit porro vel altitudo vel depressione adparens scopi seu angulus NBM = 45° ; erit $BP = PN$, & consequenter $BN : BP :: m : n :: \sqrt{2} : 1$, ergo $m = n\sqrt{2}$; atque $mm = 2nn$, nec non $mm - nn = 2nn - nn = nn$, & proinde $\sqrt{mm - nn} = n$. Quam-

Quamobrem si in æquatione inventa $x = \frac{4bm}{ann}$
 $(n\sqrt{aa - bb} \mp b\sqrt{mm - nn})$ substituatur hic valor,
 mutatur ipsa in sequentem $x = \frac{4bm\sqrt{2}}{ann} (\sqrt{aa - bb} \mp b)$
 $= \frac{4b\sqrt{2}}{a} (\sqrt{aa - bb} \mp b)$. Quomodo hæc æquatio
 construi debeat ex constructione superius allata fa-
 cili admodum negotio colligi potest.

COROLL. III. Sit jam NBP = 30° ; erit PN =
 $\frac{1}{2}BN$, adeoque BP = $\frac{1}{2}BN\sqrt{3}$. Ergo $m:n::1:\frac{1}{2}\sqrt{3}$;
 & proinde $n = m\sqrt{\frac{3}{4}}$, atque $nn = \frac{3}{4}mm$. Unde mm
 $- nn = mm - \frac{3}{4}mm = \frac{1}{4}mm$, &, extracta utrinque ra-
 dice quadrata, erit $\sqrt{mm - nn} = \frac{1}{2}m$. Qui valor si
 in æquatione superius inventa $x = \frac{4bm}{ann} (n\sqrt{aa - bb}$
 $\mp b\sqrt{mm - nn})$ substituatur, prodit $x = \frac{4bm}{\frac{3}{4}ann}$
 $(m\sqrt{\frac{3}{4}}\sqrt{aa - bb} \mp \frac{1}{2}bm) = \frac{8b}{3a} (\sqrt{3aa - 3bb} \mp b)$; cuius
 quoque constructio facilis est.

COROLL. IV. Sit angulus elevationis tormenti
 DBM = 45° ; erit in hoc casu BZ = DZ, & conse-
 quenter $\sqrt{aa - bb} = b = \frac{a}{\sqrt{2}}$. Ceteris igitur iisdem
 manentibus, ut in ipsa propositione; erunt ampli-
 tudines jactuum BN = $x = \frac{4bbm}{ann} (n \mp \sqrt{mm - nn}) =$

$\frac{2am}{mn} (n \mp \sqrt{mm - nn})$. Si vero angulus elevationis tormenti fuisset 60° ; ang. declinationis ABD esset $= 30^\circ$, & consequenter $DZ = b = \frac{1}{2}a$. Quamobrem $\sqrt{aa - bb} = \sqrt{aa - \frac{1}{4}aa} = \frac{1}{2}a\sqrt{3}$, atque amplitudines jactuum in hoc casu $BN = \frac{4bm}{am} (\frac{1}{2}an\sqrt{3} \mp b\sqrt{mm - nn})$

$= \frac{am}{mn} (n\sqrt{3} \mp \sqrt{mm - nn})$. Quarum æquationum constructiones faciliores sunt, quam ut hic apponi mereantur.

COROLL. V. Si angulus elevationis tormenti & altitudo apparenſ scopi ſint inter ſe æquales, hoc eſt, ſi globus explodatur ſecundum directionem BN; evidens eſt, quod in hoc caſu punctum D coincidet cum d, & conſequenter erit $BN:BP::Bd:db$, ſeu $m:n::a:b$, ergo $an = bm$, & proinde etiam $n\sqrt{aa - bb} = b\sqrt{mm - nn}$. Unde porro conſtat, quod amplitudo jactus ſupra horizontem $BM = o$; ſeu globus non occurrit linea BN niſi in unico punc̄to B. Sed amplitudo jactus infra horizontem $BN = \frac{gbm}{an} \sqrt{aa - bb} = 8\sqrt{aa - bb}$, ſi videlicet recta BN, in qua hæc amplitudo conſideratur, tantundem deprimatur infra horizontem, quantum altera illa BN ſeu linea directionis ſurſum elevatur. Porro in hoc ultimo caſu, ſi ſit angulus $NBP = 45^\circ$; erit $\sqrt{aa - bb} = b$; adeoque amplitudo jactus nunc erit $= 8b = 4a\sqrt{2}$.

COR. VI.

COROLL. VI. Sit denique altitudo apprens scopi, seu ang. $NBP = 30^\circ$, atque angulus elevationis tormenti $DBM = 45^\circ$; erit $m:n::1:\frac{1}{2}\sqrt{3}$, adeoque $\sqrt{mm-nn} = \frac{1}{2}m$ (per Coroll. III.). Ergo $b\sqrt{mm-nn} = \frac{1}{2}bm$. Porro erit etiam $\sqrt{aa-bb} = b$, & proinde $n\sqrt{aa-bb} = bn$; atque his valoribus in æquatione pro x pridem inventa substitutis, prodit $x = \frac{4bm}{ann}(bn - \frac{1}{2}bm) = \frac{4bbm}{ann}(n - \frac{1}{2}m) = \frac{4bbmm}{ann}(\frac{1}{2}\sqrt{3} - \frac{1}{2}) = \frac{8bb}{3a}(\sqrt{3} - 1) = \frac{4a}{3}(\sqrt{3} - 1)$.

SCHOLION. Quod si inter tormentum in B positum atque scopum feriendum N nulla omnino sint obstatula, quæ impedian, quominus distantia scopi a tormento BP Geodætice determinetur, facilissimo negotio invenietur distantia BN. Sit enim $BP = c$ & per regulas Trigonometricas ex dato ang. $NBP = \epsilon$; erit $BN = x = \sqrt{cc + dd}$. Atque sic intelligitur simul, utrum globus explosus scopum feriat, aut non.

PROBLEMA IV. Fig. 3.

Sit data velocitas, qua globus ex tormento projicitur, sitque data amplitudo iactus, eademque vel horizontalis, ut BM, vel ad horizontem sub dato angulo inclinata, veluti BN; invenire angulum elevationis tormenti, ita ut globus explosus feriat scopum propositum M vel N.

Inter tormentum in B & scopum feriendum M vel N ducatur recta BM vel BN. Igitur 1° si scopus

pus feriendus sit in horizontalis BM punto M, dividatur BM bifariam in punto E; erit BE sinus dupli anguli declinationis tormenti (*per Probl. II.*). Consequenter si inferatur, ut $AB:BE::10000000$ ad quartum, huic numero in Tabulis sinuum respondens angulus est ABF, & rursus hujus dimidium est ang. ABD, qui est angulus declinationis, & hujus denique complementum ad rectum est alter angulus elevationis DBM. Alter autem ang. elevationis proposito satisfaciens habetur, sumendo angulum, qui tantum deficit a semirecto quantum DBM excedit semirectum (*per Coroll. V. Probl. II.*).

II^o Si vero scopus feriendus non sit in eodem plane horizontali cum tormento, sed vel supra illud elevatus ut N; per punctum N ducatur recta perpendicularis NP occurrens directrici AH in puncto L. Fiat porro eadem Schematis propositi constructio, ut in Problemate praecedente; evidens est (*per Coroll. IV. Prop. I.*), quod peripheria circuli AFI centro B radio BA descripti sit locus Focorum omnium Parabolarum, quae describuntur a corpore ex B illa velocitate projecto, quam acquireret globus cadendo ex A in B, secundum quas demum cunque directiones projectio fieri concipiatur. Ponamus jam, quod $AB=a$; igitur, cum in $\triangle BNP$ dentur omnes anguli & insuper BN, data quoque erit $BP=b$, $PN=c$. Sit porro incognita $BE=EM=x$, $EF=z$; erit $FH=a-z$; adeoque axis HFE parameter $=2a-2z$, atque $PM=2x-b$. Enimvero (*ex natur. Parab.*) est $BP \propto PM$

$= (2a - 2z)PN$; hoc est, post debitam substitutionem $b(2x - b) = (2a - 2z)c$, seu $2bx - bb = 2ac - 2cz$; quæ æquatio sequentem nobis supeditat constructionem.

Super recta AB tanquam diametro describatur semicirculus AQB secans lineam BN in punto Q. Deinde ex punto A ad Q ducatur recta linea AQ, atque in directrice AHL capiatur AK $= \frac{1}{2}BP$, & ex K ducatur recta KFF parallela ipsi AQ, quæ secabit circuli peripheriam AFF in duabus punctis F & F, si problema binas admittat solutiones. Tanget autem linea KFF eundem circulum, si unicam tantum solutionem admiserit problema: & denique linea KFF cadet extra circulum, si solutio problematis sit impossibilis, seu si vis projectionis minor sit, quam ut corpus eadem projectum attingat scopum propositum. Dico autem porro, quod linea KFF occurrens circulo AFF in punctis F & F ita fecet eundem, ut puncta F & F sint foci Parabolæ, quas dum describit corpus, feriet scopum propositum N. Sit enim $FE = w$; igitur cum $AK = \frac{1}{2}BP = \frac{1}{2}b$, erit $KH = x - \frac{1}{2}b$, $HF = a - w$. Sed triangulum KFH $\sim \Delta BAQ \sim \Delta BNP$; ergo erit $FH : HK :: BP : PN$, seu $a - w : x - \frac{1}{2}b :: b : c$, consequenter etiam $ac - cw = bx - \frac{1}{2}bb$, vel $2ac - 2cw = 2bx - bb$. Unde porro apparet quod $w = z$; adeoque Parabolæ BGN focus est in F. Ulterius ex inferiori F ducatur recta FO parallela ipsi AB atque dividantur FH & FO bifariam in G & S; erunt G & S vertices Parabolæ desi-

deratarum. Tandem ex G & S ducantur rectæ lineæ Gg, Ss normales ad diametrum AB, secantes semicirculum AQB in punctis r & s, per quæ ex B ducantur rectæ Br & BsΦ, quæ erunt directiones juxta quas projectum corpus feriet scopum propositum in N.

III. Si denique scopus feriendus in N sit infra horizontalem lineam BM, ponatur BR = b, RN = c; ceteris iisdem manentibus, ut in casu II; pari prorsus ratione invenimus $2ac - 2cz = bb - 2bx$, cuius constructio ex illis, quæ modo attulimus, cum facile intelligatur, haud opus est ut illam adferendo, numerum linearum in Fig. 3. augeamus.

Idem aliter.

Sit AB = a; quoniam in \triangle rectang. BNP dantur omnes anguli & hypothenusæ BN; cognita etiam erunt latera BP & PN. Sit itaque BP = b, PN = c, EF = z; erit FH = a - z, atque Parabolæ BGN axis parameter = $2a - 2z$, & FG = $\frac{1}{2}a - \frac{1}{2}z$. Quamobrem, cum (*ex natur. Parab.*) sit $BP \times PM = (2a - 2z) \cdot PN$, habebimus $b \times PM = 2ac - 2cz$, & consequen-

ter $PM = \frac{2ac - 2cz}{b}$. Proinde etiam $BM = BP + PM = b + \frac{2ac - 2cz}{b} = \frac{bb + 2ac - 2cz}{b}$; unde porro elicitur $BE = \frac{1}{2}BM = \frac{\frac{1}{2}bb + ac - cz}{b}$. Præterea est $GE = GF + FE = \frac{1}{2}a - \frac{1}{2}z + z = \frac{1}{2}a + \frac{1}{2}z$. At (*ex natur. Parab.*) est $BE^2 = (2a - 2z)GE = (2a - 2z)(\frac{1}{2}a + \frac{1}{2}z)$

$(\frac{1}{2}a + \frac{1}{2}z) = aa - zz$. Enimvero, (per demonstr.), est $BE = \frac{\frac{1}{2}bb + ac - cz}{b}$ ac proinde $BE^2 = \frac{\frac{1}{4}b^4 + abbc + aacc - bbcz - 2accz + cczz}{bb} = aa - zz$;

ergo $\frac{1}{4}b^4 + abbc + aacc - bbcz - 2accz + cczz = aabb - bbzz$; seu $(bb + cc)zz - (2acc + bbc)z = aabb - aacc - abbc - \frac{1}{4}b^4$, & consequenter $zz - \frac{2acc + bbc}{bb + cc} z = \frac{aabb - aacc - abbc - \frac{1}{4}b^4}{bb + cc}$.

Addatur utriusque æquationis inventæ membro $\frac{(acc + \frac{1}{2}bbc)^2}{(bb + cc)^2}$; erit $zz - \frac{2acc + bbc}{bb + cc} z + \frac{(acc + \frac{1}{2}bbc)^2}{(bb + cc)^2} = \frac{aabb - aacc - abbc - \frac{1}{4}b^4 + acc^2 + abbc^2 + \frac{1}{4}b^4 cc}{bb + cc}$

$$\frac{aab^4 - ab^4 c - \frac{1}{4}b^6 - acc^4 - abbc^3 - \frac{1}{4}b^4 cc + acc^2 + abbc^2 + \frac{1}{4}b^4 cc}{(bb + cc)^2} = \frac{aab^4 - ab^4 c - \frac{1}{4}b^6}{(bb + cc)^2} = \frac{b^4 (aa - ac - \frac{1}{4}bb)}{(bb + cc)^2}$$

atque extracta utrinque radice quadrata, erit $z = \frac{acc + \frac{1}{2}bbc \mp bb \sqrt{aa - ac - \frac{1}{4}bb}}{(bb + cc)}$.

Enimvero FE est sinus dupli anguli declinationis tormenti (per Corollarium I. Probl. II.), quamobrem cum $FE = z = \frac{acc + \frac{1}{2}bbc \mp bb \sqrt{aa - ac - \frac{1}{4}bb}}{bb + cc}$; atque ulte-

rius (ex princ. Trigonometr.) constat, quod sinus anguli simpli ABD sit $= \sqrt{\frac{1}{2}aa - \frac{1}{2}az}$, consequenter post debitam substitutionem prodeunt sinus ang. declinationis tormenti, qui iidem sunt cum cosinibus ang.

$$\text{elevationis} = b \sqrt{\frac{1}{2}aa - \frac{1}{4}ac \pm \frac{1}{2}a\sqrt{aa - ac - \frac{1}{4}bb}} \quad \text{Si vero} \\ \sqrt{bb + cc}$$

scopus fuisset infra horizontem tormenti constitutus, pari prorsus modo invenimus cosinus ang. elevationis tormenti $= b \sqrt{\frac{1}{2}aa + \frac{1}{4}ac \pm \frac{1}{2}a\sqrt{aa + ac - \frac{1}{4}bb}}$.

$$\sqrt{bb + cc}$$

COROLL. I. Quoniam $BE = \frac{\frac{1}{2}bb + ac}{b}$; ergo

$$\text{etiam obtainemus } BE = \frac{\frac{1}{2}bb + ac}{b} -$$

$$\frac{ac^3 + \frac{1}{2}bbcc - \frac{1}{2}bbc\sqrt{aa - ac - \frac{1}{4}bb}}{b(bb + cc)} = \frac{\frac{1}{2}b^2 + abbc - bbc\sqrt{aa - ac - \frac{1}{4}bb}}{b(bb + cc)}$$

$$= \frac{\frac{1}{2}b^3 + abc \pm bc\sqrt{aa - ac - \frac{1}{4}bb}}{bb + cc}. \quad \text{Hi valores dant}$$

sinus ang. qui sunt dupli ang. declinationis tormenti.

COROLL. II. Sit jam scopus feriendus in eodem plano horizontali cum tormento in B; coincidet igitur linea BN cum BM; adeoque $c = 0$, consequenter cosinus ang. elevationis $= \frac{b\sqrt{\frac{1}{2}aa \pm \frac{1}{2}a\sqrt{aa - \frac{1}{4}bb}}}{\sqrt{bb}}$

$$= \sqrt{\frac{1}{2}aa \pm \frac{1}{2}a\sqrt{aa - \frac{1}{4}bb}}$$

COR. III.

COROLL. III. Sit ang. NBP = 45° , adeoq; ang. BNP = ang. NBP, erit quoque BP = PN, seu $b = c$; & proinde cosinus duorum ang. elevationis, sub quibus ferietur scopus N supra horizontem constitutus, erunt = $\frac{1}{2}\sqrt{aa - \frac{1}{2}ab \pm a\sqrt{aa - ab - \frac{1}{4}bb}}$. At si scopus fuerit infra horizontem tormenti, bini cosinus angulorum elevationis desiderator. erunt = $\frac{1}{2}\sqrt{aa + \frac{1}{2}ab \pm a\sqrt{aa + ab - \frac{1}{4}bb}}$.

COROLL. IV. Sit ang. NBP = 30° , erit (per princ. Trigonometr.) $c = \frac{1}{2}BN = b\sqrt{\frac{1}{3}}$, & consequenter $bb + cc = 4cc$, $\sqrt{bb + cc} = 2c$, $\frac{1}{2}bb = \frac{2}{3}cc$. His proinde valoribus in æquatione superius inventa substitutis; erunt cosinus duorum angulorum elevationis, si scopus N sit supra horizontem constitutus = $\frac{1}{2}\sqrt{\frac{3}{2}aa - \frac{3}{4}ac \pm \frac{3}{2}a\sqrt{aa - ac - \frac{3}{4}cc}}$. Sin vero scopus feriendus fuerit infra horizontem tormenti, bini cosinus angulorum elevationis desideratorum erunt = $\frac{1}{2}\sqrt{\frac{3}{2}aa + \frac{3}{4}ac \pm \frac{3}{2}a\sqrt{aa + ac - \frac{3}{4}cc}}$.




Fig. 1.




Fig. 2.




Fig. 3.

I.H.S. Sculps.

MONSIEUR.

LA vertu & l' erudition sont comme deux degrés, par qui on monte à la véritable felicité. C'est pourquoi, Monsieur, Vous avez depuis la plus tendre enfance orné Votre esprit de plusieurs sciences, qui maintenint confirment Vos vertus & embellissent Votre erudition. C'est aussi moyennant Votre rare genie, que si dans Vos études se rencontrent, comme il arrive souvent, plusieurs obstacles facheux, alors tant s'en faut qu'en travaillant à les surmonter, Votre vertu s'affoiblisse & se laisse abattre, qu' au contraire

Où le travail est grand, c'est là qu'elle s'efforce.

Ainsi, Monsieur, on prévoit déjà, que Vous allez contribuer à éterniser la grande réputation, que la célèbre maison des PRYSS s'est acquise parmi les Savans. Pour prouver ce que je viens d'avancer, je ne citerai pas les preuves distinguées de Votre savoir & de la vivacité de Votre esprit, donc Vous avez déjà en bien des occasions eu le public pour témoin. Labelle Dissertation que Vous allez présentement publier, en est une toute nouvelle très convainquante. Pardonnez donc, Monsieur, que je prends la hardiesse de faire éclater ma sincère joie à une occasion si agréable. L'amitié, dont Vous m'avez honoré, demande que je Vous prouve mon attachement. Je ne saurois dignement faire Vos éloges; mais il suffit, qu' Apollon se hâte de récompenser Vos mérites en tissant sur Hélicon une guirlande de laurier. Que le fortune soit Vous toujours propice. Que la posterité comte Votre nom parmi les grands Savants. Votre exemple soit une règle aux autres. Vivez toujours heureux & sans inquiétude. Que la vertu & l'erudition Vous guident constamment. Alors je suis assuré, que le Tout-Puissant Vous comblera de biens & remplira les voeux ardents de Vos amis & particulièrement de celui, qui sera toujours

MONSIEUR

Vôtre

Très humble Serviteur
JONNE BILMARK;